

Likamano tsa Botho



SABATHA MANTSIBOEA

Bakeng sa Thuto ea beke ena, Bala:

1 Pet. 2:13–23; 1 Pet. 3:1–7; 1 ba-Kor. 7:12–16; Ba-Gal. 3:27, 28; Liket. 5:27–32; Lev. 19:18.

Temana ea Khopolo:

“Haholo-holo, le ratane ka phehello, hobane lerato le apesa libe tse ngata” (1 Petrose 4:8).

Lengolo la Petrose hape le thula ka phatla tse ling tsa lipotso tsa likamano tse thata tsa nako ea hae. Ka mohlala, Bakreste ba lokela ho phela joang le 'muso o bolileng oa khatello, o joalo ka oo ban eng ba le tlasa oona ka nako eo: 'muso oa Roma ea bohetene? Petrose o ile a bolella ba bali ba hae eng, 'me mantsoe a hae a bolela eng ho rōna kajeno? Makhoba a Bakreste a lokela ho itšoara joang ha beng ba bona ba ba tšoara ka thata le ho hloka toka? Lehla likamano tsa mohiri le mohiruo ka kajeno li fapane le tsa nako eo ea kholo la pele la lilemo, likamano tsa monghali le lekhoba, seo Petrose a se bolelalng ha ho tika-tiko se tla lumellang le seo ba bang ba lokelang ho sebetsana baokameli ba bona ba hatellang. Ke ho makatsang hakakang hore e be Petrose o supa ho Jesu le ka moo a arabelang tšoaronng e mpe e le mohlala oa ka moo Bakreste ba lokelang ho itšoara ha ba tobane le maemo a tšoanang (1 Pet. 2:21–24). Monna le Mosali ba lokela ho amana joang, haholo ha ba fapana tabeng ea motheo joalo ka tumelo ea bolumeli?

Ea ho qetela, Bakreste ba lokela ho amana joang le taolo ea sechaba, mohlomong ha, taolo eo ea sechaba kapa ea sepolotiki e ka ba e bolileng le e khahlanong le tumelo ea Bokreste?

**Bala thutoea beke ena, ho lokisetsa Sabatha, 'Mesa 22.*

Kereke le 'Muso

Leha e ngotsoe khale ha kaalo, Bible leha ho le joalo e ama lintlha tse re amang haholo kajeno, joalo ka likamano lipakeng tsa Bakreste le mebuso ea bona. Liketsahalong tse ling, ho hlakile. Tšeno 13 e bua ka nako eo ho utloa mebuso ea lipolotiki ho tla bolela ho se utloe Molimo. Ketsahalong eo, khetho ea rōna e hlakile. (Sheba thuto ea Labone.)

Bala 1 Petrose 2:13–17. Lentsoe le re bolella eng mo ka moo re lokelang ho amana le 'muso?

Makhopo a 'muso oa Roma a ne a tsejoa hantle ke bao ba neng ba phela meeling ea teng. A ne a hlahile thatong e fetofetohang ea banna ba nang le lenyora ba sebelisa matla a sesole. Moo ba thulanang le tšitiso e ba ntoa. Litlhokofatso tse reriloeng le polao ka ho thakhisoa e ne e le tse peli tsa lihlooho tse neng li etsoa ba neng ba otloa. 'Muso oa Roma o ne o tamukantsoe ke se-oeso-oeso le bobolu. Ba busang ba ne ba sebelisa matla a bona ka bokhopo bohle le ho hloka mohau. Ho sa natsoe sena, Petrose o khothaletsa babali ba hae ho amohela matla ao batho ba ithehetseng ona pusong, ho tloha ho 'musi e moholo ho isa ho 'musisi (1 Pet. 2:13, 14). Petrose o tiisa hore babusi le babusisi ba otlala ba etsang hampe, le ho rorisa ba etsang hantle (1 Pet. 2:14). Ka ho etsa sena, ba na le mosebetsi o motle ho bopeng sechaba. Ha e le hantle, hara liphoso tsena tsohle, 'muso oa Roma o ne o fana ka botsitso. O ne tlisa tokoloho lintoeng. O ne o fana ka toka e boima empa leha ho le joalo e ne e ipapisitse le molao. E ne e haha litsela le ho theha mokhoa theko le thekisetsano ho tšehetsa litlhoko tsa sesole. Ka ho etsa joalo, Roma e ile ea etsa tikoloho eo sechaba se ileng sa hola 'me ka litsela tse ngata sa atleha. Ho sheba ka leseli lena, ho etsa hore khothaletso ea Petrose e etse kekelo. Ha ho 'muso o phethahetseng, 'me haholo e seng oo Petrose le kereke eo a e ngoletseng ban eng ba phela tlasa oona. Joale seo re ka ithutang sona ho eena ke hore Bakreste ba lokela ho batla ho ba baahi ba molemo ba naha, ba utloang melao ea naha ka moo ba ka khonang kateng, leha e ba 'muso oo bal eng ka tlasa oona o phethahetse.

Hobaneng ho le bohlokoa ho Bakreste ho ba baahi ba molemo ba naha ka moo ba ka khonang kateng, le maemong a sa thabiseng a lipolotiki? Ke eng eo u ka e etsang ho etsa sechaba sa heno hore e be se betere, leha e le ka tsela e nyenyane?

Benghali le Makhoba

Bala 1 Petrose 2:18–23. Ke joang kajeno re utloisisang bothata ba boemo ba litemana tsee? Ke motheo ofe oo re ka ikelang oona ho tsona?

Ho bala ka hloko ha 1 Petrose 2:18–23 o senola hore ho ena le ho emela bokhoba, litemana li fana ka keletso ea semoea hore u ka nahana kamemo a thata joang, ao ka linako tse ling, a ke keng a fetoloa. Lentsoe le tolokiloeng e le “bahlanka” kapa “makhoba” ho 1 Petrose 2:18, oiketse, le sebelisoa ka kotloloho ho makhoba a lapeng. Lentsoe le tloelehileng la makhoba, doulos, le sebelisitsoe ho Ba-Efese 6:5, sekha se fanang ka keletso e tšoanang ho makhoba. Tlase tlhopho e matla ea ’muso, makhoba ka molao a ne a le tlasa taolo ea bang ba bona, ba neng ba ka ba tšoara hantle kapa hampe. Makhoba a ne a tsoa mehloling e ’maloa: mabothobg a hlotsoeng, bana ba makhoba, kapa ba “rekisitsoeng” ho lefa melato ea bona. Makhoba a mang a ne a fuoa boikarabello ba boholo. Ba bang ba ne ba laola mehaho e meholo ea beng ba bona. Ba bang ba ne ba laola thepa le likhoebo tsa beng ba bona, ’me ba bang ba ne ba ruta bana ba beng ba bona. Tokoloho ea lekhoba e ne e ka rekoa ka theko, moo lekhoba le neng le hlalosa ka hore le “lopolotsoe.” Paulose u sebelisa puo ena ho hlalosa seo a re etselitseng sona (Ba-Efe. 1:7, Ba-Rom. 3:24, Ba-Kol. 1:14, 1 Pet. 1:18, 19).

Ho bohlokoa ho hopola hore boholo ba Bakreste e ne e le makhoba. Ka tsela eo, ba iphumana ba tšeroe ke tepo eo ba sitoang ho itšoasolla. Bao ka bomalimabe ba neng ba na le beng ba thata le ba hlokang mohau ba ne ba le boemong bo thata; le bao ba nang le beng ba betere ba ka tobana le maemo a lekang. Tao ea Petrose ho Bakreste bohle bao e neng e le makhoba e lumellana le tse ling tsa lipolelo Testamenteng e Ncha. Ba lokela ho ikokobetsa le ho mamella joalo ka ha Krete a ile a ikokobetsa a ba a mamella (1 Pet. 2:18–20). Ha ho molemo ho bao ba hlorigoang hobane ba entse hampe. Che, moea oa sebele oa Krete o bonahala ha ba hlorigoang ntle le toka. Joalo ka Jesu, ka linako tseo Bakreste ha ba ea lokela ho iphetsetsa, kapa ho tšosa, empa ho itšepela Molimo, ea tlang ho ahlola ka toka (1 Pet. 2:23).

Ke joang re ka kenyang tšebetsong seo Petrose a se ngotseng moo? Na ho bolela, hore, ha re emele litokelo tsa rōna? Tlisa karabo ea hao ka sehlopheng ka Sabatha.

Basali le Banna

Bala 1 Petrose 3:1–7. Ke maemo afe a khethehileng ao Petrose a buang ka oona sekheng se? Ke joang seo a se bolelang se lumellanang le lenyalo sechabeng sa kajeno?

Hona le ntlha e hlaheletseng temaneng e thusang 'mali ea hlokolosi ho fumana taba eo Petrose a sebetsanang le eona ho 1 Petrose 3:1–7. Khaolong ea 3, temana 1, Petrose o re o bua ka banna “ba sa lumeleng lentsoe.” Ka mantsoe a mang, Petrose o bua ka se lokelang ho etsahala ha mosali eo e leng Mokreste a nyetsoe ke monna eo e seng Mokreste (leha palo ea ba sa lumeleng e fokola).

Mosali oa Mokreste o tla fumana mathata a mangata ka ho nyaloa ke monna eo ba seng tumelong 'moho. Ho lokela ho etsahala eng maemong ae? Na o lokela ho arohana le monna oa hae? Petrose, joalo ka Paulose kae kae, ha a khothaletse hore basali ba Bakreste ba lahle banna ba bona ba sa lumelang (sheba 1 Ba-Kor. 7:12–16). Ho ena le hoo, ho bolela Petrose, basali ba nang le banna bao e seng balumeli ba lokela ho phela maphelo ao e leng mehlala. Mosebetsi oa basali lekholong la pele la lilemo 'musong oa Roma o ne o laola ke sechaba ka seng. Basali ba Roma, ka mohlala, ba ne ba na le litokelo tlasa molao malebana le thepa le ho emeloa ke molao ho feta basali bao Petrose a ba ngollang. Empa lichabeng tsa ngoahakholong eo ea pele, basali ba ne ba qheleloa ka thoko lipolotiking, 'musong, le boetapeleng malumeling a mangata. Petrose o khothaletsa basali ba Bakreste ho nka maemo a tlang ho khahleha maemong ao bat la iphumana ba le ho oona. O ba khothaletsa bohloeki le boithompho (1 Pet. 3:2). O bolela hore mosali oa Mokreste o lokela ho thahasella botle ba ka hare ho feta mekhabo ea ka ntle ea meriri, mebemyane, le liaparo tse theko e boima (1 Pet. 3:3–5). Mosali oa Mokreste o tla itšoara ka tsela eo e tla khothaletsa bokretse ho bao ba phelang le bona ka ho amana haholo—monna oa hae.

Mantsoe a Petrose ha a lokeloa ho nkoa ke banna e le tumello ea ho hlekefetsa basali ba bona. Joalo ka ha a bolela, banna ba lokela ho hlokomela basali ba bona (1 Pet. 3:7). Leha Petrose a sebetsana le taba e itseng—basali ba Bakreste ba nyetsoeng ke banna ba sa lumelang—re ka bona hanyane taba ea lenyalo la Bokreste: balekane ba Bakreste ba lokela ho phela ka ho tšehetsana, ba phela maphelo a bona ka botšepahi ha ba khumamela Molimo ka mesebetsi ea bona ea letsatsi le letsatsi.

Likamano tsa Botho

Bala Ba-Roma 13:1–7; Ba-Efe 5:22–33; 1 ba-Korinthe 7:12–16; le Ba-Galata 3:27, 28. **Ke joang seo Paulose a se bolelang se bapisehang le seo Petrose a se bolelang ho 1 Petrose 2:11–3:7?**

Paulose o sebetsana le tse ling tsa lintho tse hlahlileng ho 1 Petrose 2:11–3:7 libakeng tse ngatanyana. Seo a se bolelang se lumellana ka tsela e hlollang le se fumanoang ho 1 Petrose. Mohlala, joalo ka Petrose, Paulose o khothaletsa babali ba hae ho ikokobeletsa “borena” (Ba-Roma 13:1). Babusi ba ba khethoa ke Molimo ’me ke tšoho mesebetsing e mebe, e seng e metle (Ba-Roma 13:3). Ka hona, Mokreste o lokela, “Neang batho bohle se ba tšoanelang; ea tšoaneloang ke lekhetho, le mo nee lekhetho; ea tšoaneloang ke seabo, le mo nee seabo; ea tšoaneloang ke tšabo, le mo tšabe; ea tšoaneloang ke hlomphe, le mo hlomphe” (Ba-Rom. 13:7. Paulose o tiisa hore basali ba nyetsoeng ke banna ba sa lumelang ba lokela ho phela e le mehlala, ’me ka tsela e joalo banna ba ka kena kereke (1 Ba-Kor. 7:12–16). Mokhoa oa Paulose oa lenyalo la Bokreste ke leo hape e leng la tšehetsano. Banna ba lokela ho rata basali ba bona joalo ka ha Krete a ratile kereke (Ba-Efe. 5:25). Ho feta moo, o khothaletsa hore makhoba a utloe beng ba bona ba lefatše joalo ka ha ba utloa Krete (Ba-Efe. 6:5). Paulose, o ne a labalabela ho sebetsa tlasa maemo ao moetlo o a lumelletseng. O ne a utloisisa se ka fetoloang ka moetlo oa habo le se ke keng sa fetoha. Le teng, hape o bone se seng ka hara Bokreste seo qetellong se ka fetolang mokhoa sechaba se nahanang ka batho. Joalo ka ha Jesu a sa ka batla ho tlisa mofuta ofe kapa ofe oa sepolotiki e le hore a fetole mokhoa oa phelisano, joalo ka Petrose kapa Paulose. Phetoho e ka tla, empa, ka tomoso e susumetsang ea batho ba halalelang sechabaeng sa bona.

Bala Ba-Galata 3:27–29. Leha e le polelo ea thuto-molimo, ke mokhoa ofe o matla oo temana ee e ka bang le oona malebana le ka moo Bakreste ba lokelang ho amana ka lebaka la seo Jesu a ba etselitseng sona?

Bokreste le Taolo ea Sechaba

Le ho tseba hore litsi le mebuso ea batho li na le liphoso le bobele ka linako tse ling, 'me ho sa natsoe maiphihlelo a mabe le mebuso le baetapele ba bolumeli, bobeli Paulose le Petrose ba khothalelitse Bakreste ba pele ho ikokobeletsa borena (1 Pet. 2:13–17, Ba-Rom. 13:1–10). Ba re, Bakreste, ba lokela ho lefa lekhetho le ho bokella ho se tlamang sa naha. Ka moo ho ka khonehang kateng, Bakreste e ne e lokela ho ba baahi bao e leng mehlala.

Bala Liketso 5:27–32. Ke kamano efe lipakeng tsa kutlo eo Petrose a reng e fuoe ba boholong (1 Pet. 2:13–17) 'Me ke sefe seo Petrose le baapostola ba bang ba se entseng karolong ee?

Katleho ea pele ea kereke ea Bokreste e ile ea isa ho tšoarong ha Petrose le Johanne (Liketso 4:1–4). Ba ne ba ile ba botsoa ke babusi, baholo, le bangoli, ban to lokolloa ka tao e matla hore ba lese ho ho ruta (liketso 4:5–23). Hang ka mora moo ba ile ba tšoaroa hape 'me ba botsoa hore na hobaneng bas a ka ba latela seo babusi ba ba boleletseng sona (Liketso 5:28). Petrose a arabela, “E ka khona re utloe Molimo ho ena le batho (Liketso 5:29).

Ke 'nete efe ea bohlokoa eo re lokelang ho e nka mafao mantsoeng ae?

Petrose ha se moikaketsi, ea buang ntho e itseng ebe o etsa e sele. Ha e ne e ba taba ho sala Molimo morao kapa batho, khetho e e ne e hlakile. Ho fihlela moo, Bakreste ba lokela ho tšehetsa le ho utloa ba pusong, leha ba sebetsana le ho tlisa maemo a phetoho ea sechaba. Ha lintlha tsa boitšoarolo li le tlokotsing, bakreste ba e sa le ba 'me ba lokela ho nka karolo ka molao ho khothaletsa phetoho ea sechaba e senolang litabatabelo le lithuto tsa Jesu. Hore na sena se etsoa joang se itšetlehile holima lintlha tse ngata, empa ho ba moahi ea lokileng le ho tšepahala ha ho bolele hore Mokreste a ke ke kapa a se thuse ho khothaletsa phetoho ea sechaba.

Bala Levitike 19:18 le Mattheu 22:39. Ke joang taelo ea ho rata oa heno joalo ka ha u ithata e kenyeletsang tlhoko ea ho sebeletsa phetoho ha phetoho eo e ka etsa hore bophelo e be bo betere le ho ba bonolo bakeng sa oa heno?

Ho Ithuta Haholoanyane:

Bala Ellen G. White, “The Impending Conflict,” pp. 582–592; “The Scriptures a Safeguard,” pp. 593–602; le “The Time of Trouble,” pp. 613–634 ho *The Great Controversy*. Ellen G. White o tšhelitse hore Masala a Baletie be baahi ba molemo ba bolokang melao ea naha. O tsoetse pele ho bolella batho hore ba se ke ba latola melao ea Sontaha phatlalatsa le ka ho qholotsa; ke hore, leha ba lokela ho boloka letsatsi la bosupa la Sabatha le halalela, joalo ka ha Molimo a laetse, ha ba lokela hore ka boomo ba tlole melao e thibelang ho sebetsa ka Sontaha. Ka tsela e ’ngoe, leha ho le joalo, o ne a hlakile hore Masala a Baletiba se ba boloka molao o joalo. Haeba lekhoba le ne le balehile ho mong’a lona, molao o ne o re lekhoba leo le busetsoe ho mong’a lona. O ile a tletleba ka molao oo le ho bolella Masala a Baletihlo se o latele, ho sa natsoe li tla morao: “Ha melao e naha e hohlana le lentsoe le molao oa Molimo, re lokela ho latela oa morao, ho sa natsoe lit la morao hore na ke life. Molao oa naha ea rōna o re hlokanang hore re khutlisetse lekhoba ho mong’a lona, ha rea lokela ho o boloka, ’me re lokela ho lula li tla moraong tsa ho tlola molao oo. Lekhoba ha se thepa ea mang kapa mang. Molimo ke eena mong’a hae oa sebele, ’me motho ha a na tokelo ea ho nka sebopuo sa Molimo matsong a hae, le ho mo rua e le oa hae.”—*Testimonies for the Church*, vol. 1, pp. 201, 202.

Lipotso tsa ho Qoqoa:

1. Ka sehlopheng, buisanang ka karabo ea hao ea potso e qetellong ea thuto ea Mantaha ka taba ena: Na Bakreste ba lokela ho se emele litokelo tsa bona? Ha le etsa joalo, sebang potso e le ’ngoe ke ena, hape: Hantle litokelo tsa rōna ke eng?
2. Ke mehlala efe eo tšusumetso ea Bokreste ho sechaba e bileng matla a maholo ho fetolelelang sechaba seo molemong? Ke lithuto life tseo re ka linkang litlalehong tsee?
3. Ke mehlala efe eo Bakreste, ho e na le ho fetola liphoso tsa sechabba, ba ileng ba amohela le ho lumellana le liphoso tse le ho thusa ho li lokafatsa? Ke lithuto life tseo re ka li nkang ho tsoa lipaleng tseo, le tsona?
4. 1 Petrose 2:17, e re, “Hlomphang morena oa sechaba”. Morena ka nako eo mohlomong e ne e le Nero, e mong oa ba soele le ho ba khopo ka ho fetisisa oa leloko la banna ba bileng soele le ho ba khopo. Ke molaetsa ofe oo sena se nang le ona bakeng sa rōna kajeno? Ke joang seo Petrose a se ngotseng qalong ea temana eo, “Hlomphang batho bohle,” e re thusang ho utloisisa hantle seo a neng a bua ka sona?
5. Bala 1 Petrose 2:21-25 ka sehlopheng. Ke joang molaetsa oa evangeli o totobalitsong litemaneng tsee? Ke tšepo efe eo li re fang eona? Li re biletsa ho etsa eng? Ke hantle ha kae re latelang seo re se bolelloang ho etsa mo?

